

Ukanikorongi u Yahuza

Ukukpa u kadyanshi

Yahuza da korongi ukanikorongi u na vi. Vangu u Yesu da. Ili i'ya tani i zuwai a revei n ukuna u nala vi, an u danai eyi utoku u Yakubu u da, kpmam Yakubu vi vangu u Yesu u da.

Korongu da Yahuza korongi tsara u roni atsuvu a atoni a Yesu a kaci ka awenishiki a kaan. Yahuza rono ta atsuvu a Atoni tsara kotsu a toni uwenishike u kaan u ama a nala yi wa. U rono le ta dem atsuvu tsara kotsu a toni dem ahali a cingi a ama a nala yi wa.

Gogo-na dem tsu ta n awenishiki a kaan. A kagita, uza wa wene ta yavu u gan ta a toni ukuna u le. Pini nala, she vu tuwa vu wene ukuna u da bawu u gain u gita vu ucinasa. Tagarada u Yahuza wa zuwa ta uza u takpanasa awenishiki a mayun n awenishiki a kaan.

Ili i'ya i'ari a tagarada u na vi

Idyani (1-2)

Ukangu u upityanangu a kaci ka awenishiki a
kaan (3-23)

Kavasu ka makorishi (24-25)

¹ Mpa Yahuza, uza da wa korongu ukanikorongi u na vi. Mpa kagbashi ka Yesu Kirisiti Kawauwi ka mari kpmam utoku u Yakubu.

Aza da Kashila Tata u isa a rongo a asuvu a uciga u ne, aku Yesu Kawauwi wa kirana n ele, alya ma koronku.

² Asuvayali nā ndishi n shinga n uciga u Kashilā u rongu n aḍa.

Ili i'ya ya gita n aza a unyushi

³ Aje a va aza da ma ciga, mari ma ciga ta n koronku da a kaci ka ukuna u iwauwi i'ya tsari n i'ya gba tsunu. Shegai gogo-na u kana ta n koronku da ili i roku kau. U kana ta n korongu n gbamatangu da asuvu, i siraka ukuna u mayun u Kadyanshi ka Shinga kabetsu. Kuten ka hal ubana Kashilā ka nakai ama a ne a da u dangasai ukuna u mayun u da bawu wa savada. ⁴ Kpaci ama da a goroi Kashilā a bolomgbono de kaci n ada ukpawunsi. A tsu wenishike ta a dana, "Kashilā ka lobono ta, u tsu cimbusuka ta ama unyushi." Nala mayun da, shegai a lyai kapala n uwenishike a danai, "Adama a nala, tsu yansai unyushi u cingi ushani." Kashilā ka yawunsa ta tun caupa ili i'ya wa yanka ama a na yi, an u wokoi a 'yuwain uza da wari aya koshi Yesu Kawauwi Ashekapige a tsunu.

⁵ Ma ciga ta dem n cibuga da ukuna u na vi, ko an u wokoi i reve ta n u da. Magono ma Zuba ma wauwa ta ama a ne a uyamba u Masar, shegai an nala u wurai, aku u wunai aza da bawu a wushuki vi. ⁶ N cibuga da kpam ukuna u atsumate a zuba a da a kpaḍai u shamgba n ucira u da Kashilā ka naka le. A asakai asu u da wari u le, aku Kashilā ka sira le n ikani u zuwa le a kuwa ku a'ali a karimbi. Gogo-na kain ka afada ka a ka vana. ⁷ Kotsu i asansa n ilyuci i Sodom n Gomora n ilyuci i'ya i'ari evu evu n ele wa. Gba ilyuci i nala i shadangu ta n tsishankala n tsishankala tsu cingi tsu kabarikete. Akina a da a lyai ilyuci i nala yi gba, kpam a woko

tsu kūb̄ari a kaci ka akina a ḁa bawu a ka cim̄b̄a a ḁa a ka yan aza a cingi mavura.

⁸ Gb̄a n nala, awenishiki a kāban a nala a bidyai ele a'ā t̄a n ucira a asuvu a alavutanshi a le. A nangasai ikyamba i le n tsishindā tsu tsishankala. A goroi tsupige, a yankai ucira u tsupige tsa aza a zuba kadyanshi ka majari. ⁹ Ko katsumate ka zuba ka pige ka a ka isā Mika'ilu u kawan u nākā Kalap̄ansi unyushi wa. A'ayin a ḁa wa nanamgbana n Kalap̄ansi a kaci ka ikyamba i Musa, tonuko ḁa u tonukoi Kalap̄ansi, “Magono ma Zuba ma ḁarana vu.” ¹⁰ Shegai ama a na yi a tsu yanka t̄a ukuna u ḁa bawu a revei un̄a u cingi, a tonuko u ḁa kpam kadyanshi ka gbani. Tyoku u nnama n ḁa a'ari. Shegai a yain ili i'ya uyawunsa u le u tonuko le kabarikete. Nala tani, aku u ronuko le ukpā. ¹¹ Ter le, kpaci a ka tonu t̄a tyoku ḁa Kayinu yain, uza ḁa u wunai vangu u ne. Tyoku u Bala'am, ko ndya a ka yan a tsarā ikebe i'ya a ka yan. N tyoku u Kora†* kpam, a ka kuwā t̄a adama a u'yangasakā u le. ¹² A'ayin a ḁa baci icun i ama a na a tuwā ḁa, tsarā a lyai kaḁolo n aḁā a asuvu a uciga u Magono ma Zuba. A tsu woko t̄a tyoku u ili i icadi i'ya ya tuko ḁa kunangasu a ilikulya yi. N kaci ka le ka koshi a tsu kirana, kpam u tsu tuko le t̄a uwono. Tyoku u ulimā u ḁa u tsu lapana uwule

* **1:11** A alabari a Bala'am asuvu a alabari a ḁa a ḁangasai a Kazuwamgbani ka Cau a Makeci 22:1–23:12, tsu wene t̄a asu u ḁa Bala'am tonukoi Balaku Magono ili i'ya Kashilā ka tonuko yi u dana. Alabari a Bala'am a kotso pini na wa. A'ayin a roku a ḁa pini Bala'am wushai ikebe a asu Balaku asu ḁa u zuwai aza a Isara'ila a lyakai ameli kayala, (Makeci 31:16). Alabari a na yi a'ā pini asuvu a alabari a ḁa a ḁangasai a Kazuwamgbani ka Cau wa.

bawu mini ḏa a'ari. A'a tā kḡam tyoku u ndanga n ḏa bawu n tsu naka ilimaci a'ayin a uta. Ukpa u de u ḏa a kuwai wa, hal gbam kure ka a kuwai kpaci a mudusa le ta a asuvu a alu a le. ¹³ A'a tā tyoku u abali a kushiva a ḏa a tsu vura ashinda a kapufu, a ḏa a tsu wenike ukuna u uwono u le. A'a tā tyoku u atala a ḏa a ka tamba, nala a'ari a u'uwa a karimbi ka pige ka bawu ka kotso.

¹⁴ Anuhu rongo tā hal uyan kushindere cina Adamu kuwa de, pini nala, Anuhu yain kadyanshi ka ili i'ya ya tuwa a kaci ka ama a na yi, “Wenei, Asheku a ḏa pini a ka tuwa n atsumate a zuba a ne ushani a ḏa bawu a ka fuda a ka kece.

¹⁵ Kḡam wa yanka tā ama a likimba afada. Pini nala, ḏa wa wenike aza ḏa a goroi Kashila, unyushi u le an a yain ukuna u cingi a asu u ḏa a 'yangasaka yi.

Wa wenike le tā kḡam alya aza a unyushi u cingi aza ḏa bawu a'ari n Kashila kḡam a nusa tā an u wokoi a yankai Kashila kadyanshi ka gbani.”

¹⁶ Ama a na yi alya aza a tsali kḡam kain dem she kakpadikukuna. Ukuna u cingi u ḏa baci u luwa le uyan u ḏa a tsu yan. A'a tā n aradi cika, kḡam a reve tā uyinsa ama n kadyanshi tsara a tsara ili.

Ulya kapala n manyan

¹⁷ Atoku a va, u gan tā i ciba n ili i'ya asuki a Asheku a tsunu Yesu Kirisiti Kawauwi a tonuko ḏa. ¹⁸ A dana tā, “Ubana a'ayin a makorishi, a ka tsara tā aza ḏa a ka rongo uyansaka Kashila magori, aku a cigi a toni ukuna u kaci u le u ḏa bawu Kashila ka ciga.” ¹⁹ Kḡam gogo-na alya pini, alya kḡam a ka

pecishe dā. A tsu la tā uciga a toni ili i'ya ikyamba i le ya ciga, kpaci a'ari n Kulu Keri ku Kashilā a atakasuvu a le wa.

²⁰ Shegai aza a vā, lyayi kapala n i gbonguri a asuvu a upityanangu u uwulukpi cika. I lyai kapala n i yanyi kvasu tyoku dā Kulu Keri ka tono n adā. ²¹ Rongoi uma u dā wa wenike an Kashilā ka ciga dā, hal n i vani uma u dā bawu wari n utyoku u dā Asheku a tsunu Yesu Kawauwi adama a asuvayali a ne wa naka dā. ²² Panai asuvayali a aza dā a ka yan malalā a kaci ka ili i'ya a pityanangi. ²³ I wusa aza roku a asuvu a akina a mavura i wauwa le. Aza roku a dā kpam pini aza dā ya pana asuvayali, shegai i yain n i kirani. Hal aminya a le dem a dā unyushi u cingi u le u nangasai kotsu i cigi wa.

Kvasu ka ucikpa

²⁴ Gogo-na i naka Kashilā tsupige kpaci aya wa fuda wa kirana n adā bawu ya tadatsa. U peci dā n unyushi u cingi, u naka dā mazanga cika. Kpam u tuko dā a asu u tsupige tsu ne. ²⁵ Tun caupa hal utuwā gogo-na n ubana a makorishi, Kashilā Kawauwi ka tsunu ka, adama a Yesu Kawauwi uza dā wari Asheku a tsunu. Gbā tsupige tsā tā ara ne, gbā tsugono tsā tā ara ne, gbā ucira wā tā ara ne hal n ucira u afada gbā wā tā ara ne. Kpam nala wari ili i'ya i bidyai gogo-na hal ubana. Ami.

**Kazuwamgbani ka savu n Tsikimba n a6on a
da a dangasai a kazuwamgbani ka cau
New Testament in Tsikimba (NI:kdl:Tsikimba)**

copyright © 2010 Wycliffe Bible Translators, Inc.

Language: Tsikimba

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tsikimba

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 11 Nov 2022 from source files
dated 29 Jan 2022

a4f6a28b-3d6d-50b4-a81b-06ae05a66010